

《我本歷史書方咗2019年》

作者: 黑鳥

Powered by [紙言](#)

2019;2019?

「今日，2035年3月2日，天氣良好，請各位市民起身時先服下維生素，祝大家有美好嘅一天。」「阿仔，起身啦！」我先服下由政府統一派發的維生素服下。唉，宜家空氣污染咁嚴重，唔食維生素，分分鐘一出街就肺炎...食完維生素就起身擦牙。啲維生素嘅負作用都唔知點解咁勁，食完就暈暈咗，我望咗一吓個政府強制安裝係我哋屋企嘅閉路電視，反咗一吓白眼，就慢慢除褲，屙晨尿。政府話就話防止市民俾人打劫屋企，實際上，搞到我哋一啲私隱都冇，屙篤尿都冇安全感，不過呢啲嘢擺係個心到就算啦，講出嚟又隨時因為叛國罪俾人拉。。。擦完牙之後，我就出門返學，行到去門口，我又聽到嗰一句熟悉嘅說話：「市民編號：21788229，名字：鄭凱基，區別：二等公民，性別：男性，維生素：已服，批准出門」我出咗門後，行咗去黃大仙地鐵站，搭車入返港大。你可能會問我點解我住咁遠唔申請hall。唉，我都想㗎，但係得新移民即係一等公民先有申請權。我上嘅第一堂係香港歷史。嗰professor就開始講2018同2020發生嘅事。「咁2018並唔係好重要嘅一年，但係佢之後嗰年，2020年就為大家展視咗國家嘅重要性...」「乜2018之後唔係2019咩？」我問道。「政府話係2020就係2020啦，問咁多做咩啊，鄭凱基。咁我就繼續講啦，係2020頭，香港爆發香港肺炎，並傳播咗俾中國大陸，但係內地政府就好慈悲咁原諒港人，並幫助港人，最後研發咗疫苗救咗成個國際社會...」嗰professor繼續講咗好多嘢，但係我一直諗緊嘅係點解冇2019年，乜8之後唔係9咩？我skip咗之後啲堂返咗屋企，我阿媽咁啱唔係到，我打開電腦，開咗百導，開始search關於2019年嘅嘢。我先search咗「2019年」，但係都冇搜尋結果，我有search咗「2019」但係都係得啲數學公式，我又開始search其他關鍵字眼，突然，敲門聲響起，我去開咗門，見都白衣警察企係嗰道，「想問你係咪鄭凱基先生？」「係嘅咩事？」「我哋懷疑你企圖對抗政府，要求你跟我哋返警署協助調查。」「吓??」

-未完待續

質疑?

二、

「吓，你哋憑咩拉我啊？」「鄭生啊，差佬係大晒㗎啦，你再嘈我開槍都得啊！」我聽都呢句唯有死死氣跟住佢哋。到咗差館門口，唔知點解有一個阿叔，一個阿嬈望實我，佢哋嘅眼神唔係擔心，又唔係厭惡。唉，我都係顧返自己呢單嘢先啦。。。喇警察先鎖咗我入一間房，過咗好耐好耐，終於有個著西裝嘅人入咗嚟。「係咪鄭凱基？」「係」「你知唔知質疑政府好大罪㗎，一等公民如果質疑政府都要終身監禁㗎？更何況係你呢啲二等公民？一經定罪，槍斃你都得啊！」我聽到之後，嚇到開始流冷汗。「我方質疑過政府㗎。」我只可以細細聲講出呢一句。「咁我問你，做咩無端端search 2019年？」「我.....我想知點解有2019年啊麻...」「政府話冇就冇啦，點解要同你講原因，你邊個啊？不過政府係慈悲嘅，見你係初犯，你寫封悔改書，加簽張認罪書，我哋就唔起訴你。」「我簽我簽。」聽到呢到，我鬆咗一口氣。過咗3、4個鐘，我終於搞掂晒所有嘢，由差館出返嚟，天色都開始黑啦。突然，我今朝見到嘅嗰個阿叔同阿嬈企咗係我前面。「後生仔，一路行一路講，啲差佬同你講咗啲咩？」「你哋係邊個啊，我唔想比人槍斃啊！走開啦。」佢哋唔單止冇走開，仲捉住我，個阿叔同我講：「係嘅，我哋都應該介紹自己先，我叫Sunny,佢係Creamy,我老婆。我哋宜家點講你都唔會明，總之如果你信我哋，你聽日唔好食嗰個咩維生素，用呢個電話打俾我，我會話你聽點做。」說罷佢塞咗個黑色嘅盒俾我，「痴線㗎你？」說完，我就跑走咗。

「Sunny,你覺得佢會唔會打過嚟？」「佢拎走部電話已經完成咗第一步」「咁如果佢唔打嚟點算？」「Creamy,你樂觀啲啦！佢唔打嚟，我哋咪再搵佢，佢暫時係唯一一個有抗體，有可能戒到藥嘅人，希望佢會打嚟啦...」

-未完待續

最後，講返一句-本故事純屬虛構，如有雷同，純屬巧合，請勿對號入座，敬請留意，謝謝。

真相？

三、

我望住啱啱個怪人塞俾我嘅黑色盒子，心諗應唔應該打開佢。我最驚呢個係警察嘅陷阱，一陣打開咗就俾人判死就死啦。但係我有好想知其實2019係咩一回事。

「都係唔搏啦，為咗滿足好奇心連命都唔要真係好蠢居。」說罷，我就瞓咗。第二朝醒返我食完藥就出門，係樓下有見到啲兩個怪人。「你信我哋啦，你係唯一有抗體嘅人嚟㗎！」「抗咩體啫，教下你哋放過我啦！」講完之後，我就跑走咗，返到學校，我去搵我個學霸friend,海神，黃智海。

「海神！」「咩事呀？」「我哋一路行一路講。」「得啦，懶神秘！」「你有冇諗過2018之後點解唔係2019？」「冇啫，點解咁問？」「你唔覺得奇怪㗎咩？1998之後係1999，但係2018之後係2020...」「咁奇怪啲點係邊？」「算啦，講你都唔明，我去上堂先啦。」

係我行緊去課室嘅時候，我又開始諗，點解得我先覺得奇怪㗎？

放學之後，我如常咁係後門出嚟因為後門少啲人，無端端我感覺到有人係後面拉住我，係我頸到打咗一針我就暈咗過去。

當我起返身嘅時候，我發現自己嘅手脚俾人固定咗係將凳上。之前啲兩個怪人有出見係我面前。「我哋都唔想咁做，但係真係冇時間啦，我介紹返自己先，我係Sunny，我隔離個係我老婆Creamy。

」「你都嚟線㗎，放我就啦。」「等陣我講埋先，我哋其實係一個組織，旨在搵返2019年所有嘅資料」說罷，又有兩個男人入咗嚟。其中一位有開始講嘢：「我係Jason,你可以叫我大J,佢係阿昇，你叫佢東方昇啦。我哋帶你嚟係想幫你戒藥，我哋宜家講咩你都唔會明㗎啦，你試吓一日唔食藥睇吓效果先再講。」

「你放我走啦，我唔想坐監啊！」講完之後，無端端傳嚟一聲，「入面所有人唔好郁，我哋係香港警察，宜家要以叛國罪嚟拘捕你哋，立即出嚟！」

係呢一刻，屋內嘅人全部都諗緊同一樣嘢，「仆街啦今次...」

-未完待續

最後，講返一句-本故事純屬虛構，如有雷同，純屬巧合，請勿對號入座，敬請留意，謝謝。

休息一日

聽日/後日先再更新

逃亡，正式開始

四、

「仆街啦今次。」我哋一團人望住啲差佬衝入嚟。「你哋走先，我拖住佢哋」東方昇叫道。大J即刻幫我鬆綁，大叫一聲，「細路，快啲走，唔好回頭，Creamy同Sunny帶佢走，我同東方昇拖住班黑警。」Sunny聽到之後，推咗我一下，拉住我跑入咗一個倉庫，個倉庫唔算大，得80呎到，但係入面掛滿武器，「揀把長槍，拎多把手槍，最好帶埋把刀。」「我...唔..唔識開槍㗎..」「叫你揀就揀啦屌，快啲啊！」我即刻拎咗把 M16 同埋 desert eagle,最後帶埋把蝴蝶刀。Creamy同Sunny就拎咗M4。揀好晒裝備之後，Sunny遞咗個面具俾我就開始跑，我連亡帶上了面具，就跟住Sunny同Creamy。「砰！」我身後突然傳嚟一聲槍聲「唔好望，繼續跑！」Sunny大叫道。好快，我哋跑到一嚟跑車面前，「上車！」我即刻爬入嚟車到，Sunny坐入駕駛座，踩實油門，嘍車即刻衝向我哋面前嘅牆，我立即低頭。下一秒，我成個人飛向前，又比安全帶拉返後。我眼前又係熟悉嘅街道，只係今次，我唔再係一個普通嘅市民。「唔好再發呆，把槍瞄住後面，黑警開場你就開槍。」我連忙開始將把槍瞄住後面，只係唔知點解，我突然轉唔到身。「Shit,唔記得咗你未戒藥。」坐係我隔離嘅Creamy講咗一聲。「屌，咁唯有我揸快啲！」Sunny說罷，就踩住剎車制，轉咗個彎，向住啲警察衝過去。「唔好啊....」
-未完待續

最後，講返一句-本故事純屬虛構，如有雷同，純屬巧合，請勿對號入座，敬請留意，謝謝。